

Headline	Kerjasama lebih 500 organisasi		
MediaTitle	Utusan Malaysia		
Date	04 Feb 2021	Color	Full Color
Section	Supplement	Circulation	107,609
Page No	25	Readership	322,827
Language	Malay	ArticleSize	339 cm <sup>2</sup>
Journalist	N/A	AdValue	RM 13,916
Frequency	Daily	PR Value	RM 41,747



## Kerjasama lebih 500 organisasi

MENURUT Zamree Md. Shah, setakat ini sebanyak 508 organisasi terdiri daripada syarikat dan individu telah mendapatkan perkhidmatan Pusat Teknologi Herba (HTC) sejak 2006 hingga kini.

Perkhidmatan yang diperoleh adalah menerusi aktiviti pengilangan kontrak yang disediakan

Dari 2016 hingga 2019, sebanyak 19 syarikat telah melantik HTC sebagai pengilang kontrak produk berdaftar mereka. Daripada itu sebanyak 25 jenis produk tradisional berbagai jenama dalam bentuk kapsul dihasilkan.

Beliau berkata, perkhidmatan pengilangan kontrak produk tradisional tersebut mula ditawarkan di HTC pada 2014 dan FRIM akan terus komited menyokong usahawan-usahawan herba dalam menghasilkan produk berkualiti tinggi.

Katanya, secara kumulatif, HTC menghasilkan 17,069 unit produk kapsul dari tahun 2016 hingga 2019. Berdasarkan harga jualan pula, anggaran nilai produk yang dihasilkan di HTC untuk syarikat-syarikat terbabit bernilai RM10 juta dengan purata peningkatan sebanyak 35 peratus

setahun.

“Nilai ini diunjurkan untuk meningkat kepada RM25 juta pada tahun 2022,” ujarnya.

Beliau berkata, perkhidmatan yang ditawarkan oleh HTC disasarkan terutama kepada industri herba seperti pengusaha kecil dan sederhana, agensi penyelidikan, institusi pengajian tinggi (IPT) dan syarikat farmaseutikal.

HTC katanya, juga menerima Pensijilan Amalan Pengilangan Baik (GMP) bagi mengeluarkan produk ubatan tradisional dalam bentuk kapsul dan tablet pada 2007 dan memperoleh *Natural Product Development* oleh Biotech Corp. pada 2011.

Selain itu, pusat tersebut juga menerima lesen pengilang bagi mengeluarkan produk ubatan tradisional dalam bentuk kapsul dan tablet pada 2011 serta Sijil Pengesahan Halal daripada Jabatan Kemajuan Agama Islam (Jakim) pada 2016 untuk memastikan produk yang dihasilkan adalah bersih dan halal serta dapat menambah nilai kualiti produk

Setakat ini HTC mempunyai 13 tenaga yang pakar dalam bidang masing-masing.



PROSES penghasilan produk kapsul herba